

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historia Zaringo Badensis

Schöpflin, Johann Daniel

Carolsruhae, 1765

CVI.

[urn:nbn:de:bsz:31-295118](#)

C V I.

FRIDERICUS II. RESTITUIT IN INTEGRUM HERMANNUM V. MARCHIONEM BADENSEM CONTRA VIOLENTIAS HENRICI VII. ROMANORUM REGIS FILII SUL CONFIRMAT QUOQUE CONCAMBIUM CIVITATUM ETTLINGEN ET DURLACH PRO PROPRIETATE IRMENGARDIS UXORIS EJUS IN BRUNSVIC.

A N N O M C C X X X I V.

Ex autographo Badenſi.

F RIDERICUS Dei gratia Romanorum Imperator, semper Augustus, Jerufalem & Sicilie Rex. Per presens scriptum notum fieri volumus universis Imperii fidelibus tam presentibus quam futuris, quod olim presentes in Alemania meminimus obligasse *Hermannus Marchiori de Baden* fideli nostro civitates *Loufen, Sunnesheim (a) & Eppingen* pro duobus milibus & trecentis marcis argenti & in feodo sibi dedisse civitatem *Etteningen (b)* & civitatem *Durla (c)* in proprietatem pro bonis quae sibi ex parte uxoris sue de proprietate in *Brunſvic* contingebant, juxta tenorem privilegii nostri exinde sibi indulti. Et quia per Virum illustrem Romanorum Regem *Henricum* filium nostrum coactus est de predi-

cta

(a) Sinsheim in Palatinatu. (b) Ettlingen. (c) Durlacum.

cta summa remittere mille marcas & indultum nostræ celsitudinis privilegium resignare & quod civitates prediæ non tenerentur obligate sibi nisi pro mille trecentis marcis argenti. Nos volentes mandatum & obligacionem nostram in sua sicut ante consistere firmitate presentis scripti autoritate mandamus, quatenus civitates prediæ obligacioni duorum milium & trecentarum marcarum argenti subjaceant, & a modo teneantur sicut nobis in Alemania existentibus obligatæ fuerunt non obstantibus litteris ab eodem Marchione dicto Regi filio nostro factis. Statuimus igitur & mandamus quatenus nullus sit qui dictum Marchionem vel heredes suos contra presentis obligacionis nostre paginam impetere vel molestare presumat. Quod qui presumpserit indignacionem nostri culminis se noverit incursum. Ad cuius rei memoriam presens scriptum fieri & bulla aurea typho nostræ majestatis impressa jussimus communiri.

Datum apud pretinam (b) anno Dominice Incarnationis millesimo ducentesimo tricesimo quarto mense Novembri octave Indictionis.

(b) Apud Bretnam villam Lotharius Imperator ex Italia rediens A. 1137. mortuus est, haud procul Tridente. DODECHINVS Breduan, CHRONOGRAPHVS SAXO Breduan, Chronicon Montis Sereni Bredinam villam ad hunc annum vocant.

Cod. Dipl.

B b